

5²

~~19~~

CONFIRMATIO DECRETORVM

CONGREGATIONIS S. R. E.

CARDINALIVM,

CONCILIJ TRIDENTINI INTERPRETUM,

*Super Celebratione Missarum, etiam cum declarationibus, &
innovatione Decretorum ab eadem Congregatione, aucto-
ritate fel. rec. Urbani Papæ VIII. de super.
alijs factorum.*



ROMÆ M. DC. XCVIII.

Ex Typographia Reverendæ Camerae
Apostolicæ,

121


CONFIRMATIO DECRETORVM

CONGREGATIONIS S. R. E.

CARDINALIVM

CONCII TRIDENTINI INTERIVM

Super Celebratione Missarum, cum Cardinalibus, et
Innocentius Doctoribus de causa Concilii, et alijs
rebus factis, et ab eisdem Cardinalibus, et alijs
factis, et alijs



ROMÆ MDCXCVIII

Ex Typographia Reverendae Camerae
Apostolicae

3

INNOCENTIVS EPISCOPVS SERVVS SERVORVM DEI.

Ad perpetuam rei memoriam.



Uper à Congregatione Venerabilium Fratrum nostrorum S. R. E. Cardinalium Concilij Tridentini Interpretum prodierunt Decreta tenoris infraſcripti, videlicèt.

Aliàs super celebratione Miſſarum, ac prohibitione illas moderandi, ſeu reducendi abſque Sedis Apoſtolice licentia, necnon ſuper earundem oneribus perpetuis ſuſcipiendis, & Religioſorum numero ultra redditus, & conſuetas eleemoſynas locorum Regularium non habendo, emanarunt ab hac Sac. Congregatione S. R. E. Cardinalium Concilij Tridentini Interpretum, auctoritate per ſecl. rec. Urbanum Papam VIII. illi ſpecialiter attributa, quam plur a Decreta tenoris ſequentis.

Cum ſæpè contingat in quibuſdam Eccleſijs tam magnum Miſſarum celebrandarum numerum, ex varijs Deſunctorum relictis, aut piorum eleemoſynis impoſitum eſſe, vt illis pro ſingulis diebus præſcriptis nequeat ſatisfieri, & tamen nova onera Miſſarum in dies ſuſcipiantur; indeque fiat, vt depereant piæ Teſtantium voluntates, obſtricta Benefactoribus fides violecur, Deſunctorum animæ ſuffragijs priuentur, Eccleſijs debitus ſubtrahatur cultus, ac Chriſti fideles gravi ſcandalo affecti, plerumque à ſimilibus charitatis operibus retrahantur: Cumque his malis maximum inter cætera ſomentum præbeat, aut quod ij, qui Miſſas ſupra vires celebrandas ſuſcipiunt, ſperent illas brevi ad paucioſorem numerum à Superioribus reductum iri; aut quòd Eccleſijs fortè pecuniarum abſumpta, plerumque nuda remaneant onera Miſſarum, abſque vllò emolumento, aut quòd eleemoſyna pro illis celebrandis ſit aded tenuis, vt non facilè inueniantur, qui velint huic ſe muneri ſubiicere, & redditus Eccleſiæ, aut Monasterij aded exigui, vt Sacerdos pro neceſſaria ſua ſuſtentione noyis ſe oneribus obſtringere compellatur. Sacra Congregatio Cardinalium Concilij Tridentini Interpretum animadvertens, facturam ſe rem Deo gratiſſimam, charitatiq; ac iuſtiæ maximè conſentaneam, ſi pro viribus ſatagat, hunc teterimum abuſum è Chriſtiana Republica conuellere, atque eradicare. Sanctiſſimi D. N. Urbani Divina Providentia Papæ VIII. auctoritate ſibi ſpecialiter attributa, infraſcripta Decreta edidit.

Ac primò diſtrictè prohibet, atque interdicit, ne Epifcopi in Dioceſana Synodo, aut Generales in Capitulis generalibus, vel aliàs quoquomodo reducant onera vlla Miſſarum celebrandarum, aut poſt idem Concilium impoſita, aut in limine foundationis, ſed pro his omnibus reducendis, aut moderandis, vel commutandis ad Apoſtolicam Sedem recurratur, quæ, re diligenter perſpecta, id ſtatuet, quod magis in Domino expedire arbitrabitur; alioquin reductiones, moderationes, & commutationes huiuſmodi, ſi quas con-

tra huius prohibitionis formam fieri contigerit, omnino nullas, atque inanes decernit.

Deinde ubi pro pluribus Missis, etiam eiusdem qualitatis celebrandis, stipendia, quantumcumque incongrua, & exigua, sive ab vna, sive à pluribus personis coillata fuerunt, aut conferentur in futurum Sacerdotibus, Ecclesijs, Capitulis, Collegijs, Hospitalibus, Societatibus, Monasterijs, Conventibus, Congregationibus, Domibus, ac Locis Pijis quibuscumque, tam Sæcularibus, quàm Regularibus; Sacra Congregatio sub obtestatione Divini Iudicij mandat, ac præcipit, vt absolutè tot Missæ celebrentur, quot ad rationem attributæ eleemosynæ prescriptæ fuerint, ita vt alioquin ij, ad quos pertinet, suæ obligationi non satisfaciant; quinimò graviter peccent, & ad restitutionem teneantur.

Id verò, vt deinceps observetur ex actiùs, Sac. Congregatio eadem auctoritate revocat Privilegia, & Indulta omnia quibusvis personis, Ecclesijs, ac Locis Pijis, tam Sæcularibus, quàm Regularibus cuiuscumque Ordinis, Congregationis, & Instituti, quamcumque ob causam concessa, quibus indulgetur, vt certarum Missarum, vel Anniversariorum celebratione, aut aliquibus Collectis, seu Orationibus plurium Missarum oneribus in futurum suscipiendis satisfiat.

Ac similiter omne damnabile lucrum ab Ecclesia removeare volens, prohibet Sacerdoti, qui Missam suscepit celebrandam cum certa eleemosyna, ne eandem Missam alteri, parte eiusdem eleemosynæ sibi retenta, celebrandam committat.

Præterea, ne in Ecclesijs, in quibus onera Missarum in perpetuum imposita sunt, Sacerdotes in eis, vt par est, adimplendis eò tepidiores, ac Segniores reddantur, quodd onera huiusmodi cum nulla, aut parva sint utilitate coniuncta; statuit, atque decernit, vt pecuniæ, ac bona mobilia Ecclesijs, Capitulis, Collegijs, Hospitalibus, Societatibus, Congregationibus, Monasterijs, Conventibus, ac Locis omnibus, tam Sæcularibus, quàm Regularibus, atque illorum personis in futurum simpliciter acquirenda cum onere perpetuo Missarum celebrandarum ab ijs, ad quos pertinet, sub pœna Interdicti ab ingressu Ecclesiæ ipsos facto incurrenda à die realis acquisitionis, statim deponi debeant penes eadem Sacram, vel personam fide, & facultatibus idoneam, ad effectum illa, seu illorum pretium quàm primùm investiendi in bonis immobilibus fructiferis cum expressa, & individua mentione oneris, quod illis annexum reperitur.

Ac si eadem bona immobilia auctoritate Apostolica deinceps alienari contigerit, eorundem pretium, sub eadem pœna, vt supra, deponi, atque in alijs bonis stabilibus eidem fructiferis cum eiusdem oneris repetitione, atque annexione converti debeat.

Ad hæc Sac. Congregatio quibusvis Capitulis, Collegijs, Societatibus, & Congregationibus, necnon omnibus, & singulis Ecclesiarum, ac piorum Locorum, tam Sæcularium, quàm Regularium Superioribus, vel alijs, ad quos pertinet, districtè prohibet, ne imposterum onera perpetua suscipiant Missarum celebrandarum, Sæculares quidem sine Episcopi, vel eius Generalis Vicarij, Regulares verò sine Generalis, vel Provincialis consensu, & licentia in scriptis, & gratis concedenda; alioquin Sæcularis, qui huius prohibitionis transgressor extiterit, ab ingressu Ecclesiæ interdictus sit eò ipso; Regularis verò pœnam privationis omnium Officiorum, quæ tunc obtinebit,

ac perpetua inhabilitatis ad alia de cætero obtinenda, vocisque activæ, ac passivæ, absque alia declaratione incurrat.

Eleemosynas verò manuales, & quotidianas pro Missis celebrandis ita demum iidem accipere possint, si oneribus antea impositis ita satisfecerint, ut nova quoque onera suscipere valeant; alioquin omnino abstineant ab huiusmodi eleemosynis, etiam spontæ oblati in futurum recipiendis, & capsulas auferant ab Ecclesijs cum inscriptione illa: *Eleemosyna pro Missis*, vel alia simili sub ipsdem pœnis ipso facto incurrendis; ne Fideles hac ratione frustrentur.

Episcopus verò, seu eius Vicarius, aut Generalis, vel Provincialis, ubi de licentia pro perpetuis oneribus fuerint requisiti, in singulis casibus diligenter inquirent, de singulis Missarum celebrandarum obligationibus, cuiusque Ecclesiæ, Monasterio, aut Loco pio incumbentibus; nec antea assensum huiusmodi; aut licentiam præbeant, quàm eis legitimè constiterit, illis Sacerdotes tam novo oneri suscipiendo, quam antiquis iam susceptis satisfacere posse; præcipuamque rationem habeant, ut redditus, qui Ecclesijs, & Locis pijs relinquuntur; omnino respondeant oneribus adiunctis secundum morem cuiusque Civitatis, vel Provinciæ, intelligantque, si in re tanti momenti defides, aut negligentes fuerint, in novissimo die se huius prætermissi muneris rationem esse reddituros.

Postremò Illustrissimi Patres non sine gravi animi dolore intelligentes, mala ferè omnia, quæ Regularem disciplinam evertunt, ac præcipuè nimiam hanc facilitatem fovent, in oneribus Missarum supra vires suscipiendis, veluti ex infecta radice, pullularè ex maiori Regularium numero, quàm fuerant redditus, & eleemosynæ cuiusque Monasterij; inherentes Summorum Pontificum, ac Sacri Tridentini Concilij Decretis, ac de re editis, Sanctissimi Domini Nostri auctoritatè præcipiunt, ac mandant omnibus, & singulis Generalibus, Provincialibus, Commissarijs, Ministris, Præsidentibus, Abbatibus, Prioribus, Præpositis, Guardianis, Vicarijs, & quibuscumque alijs superioribus Monasteriorum, Conventuum, ac Domorum Regularium, bona immobilia possidentium, vel non possidentium, cuiuscumque Ordinis, Congregationis, & instituti existentium intra fines Italiæ, & Insularum adiacentium; ut singuli, ad quos pertinet in qualibet Provincia, adhibitis duobus, aut tribus Regularibus sui Ordinis, vel Congregationis probatoribus, & rerum vsu peritioribus, bona immobilia, census, redditus, & proventus omnes, consuetas itè eleemosynas, & obventiones tam communes Monasteriorum, Conventuum, & Domorum eiusdem Provinciæ, quàm etiam singularibus personis Religiosis assignatas, seu permissas in communem usum deinceps conferendas, decem annorum immediatè præcedentium habita ratione diligenter, & maturè recognoscant, ijs omnibus detractis, quæ reparationes, præstationes, grandines, sterilitates, aliave cuiuslibet generis onera consueverunt absorbere.

Eaque omnia scripto fideliter exarata, idem superior, cuius interest, in proximo Capitulo, seu Congregatione generali, vel Provinciali coram tribus lucidibus ab ipsomet Capitulo, seu Congregatione deligendis proponat, qui cõputatis huiusmodi redditibus, eleemosynis, & obventionibus univèrsis, & oneribus, vsuprà detractis, sedulò examinent, quot Religiosi homines connumeratis etiam laicis, alijsque necessarijs servientibus in vnoquoque Monasterio, Conventu, & Domo regulari iuxta regionis, & proprii instituti morem, victum, & vestitum, & medicinalia in communi habentes, compe-

tenter valeant sustentari. Tum eorumdem bonorum, reddituum, elemosinarum, & onerum præcisam notam ipsimet Capitulo, seu Congregationi exhibeant, ut in illò diligenter omnibus discussis, cuiusque Familiæ Monasterij, Conventus, ac Domus Regularis in singula quaque Provincia certus earum tantum personarum numerus, Patrum capitularium voto præfigatur, quæ redditibus, elemosynis, & obventionibus, ut superius sufficienter ali possint.

Ne verò Superiores, qui id præstare debent, serius, aut remissius, quam par est, suo muneri satisfaciant; mandat Sacra Congregatio, ut infra annum post proximum Capitulum Generale, vel Provinciale computandum, omnia hæc de genere capitulariter gesta, in authenticam formam redacta, ad Sacram ipsam Congregationem Concilij singuli mittant. Númerumque familiæ, singulorumque Conventuum, Monasteriorum, & Domorum huiusmodi Regularium, Capitali, seu Congregationis generalis, vel provincialis sententia, & auctoritate præfixum, iidem Superiores tam Generales, & Provinciales omnes, quam Locales perpetuò servare omninò teneantur, nec possint illum quoquomodo augere; etiam prætextu augmenti reddituum absque Sacra ipsius Congregationis licentia; superiores autem huiusmodi, qui prædicta omnia in præfixo termino non præstierint, vel numerum, ut supra præscriptum, quovis modo augere præsumpserint, privationis omnium Officiorum, quæ tunc temporis obtinebant, & vocisque activæ, ac passivæ, & ad omnia suæ Religionis Officia, & gradus inhabilitatis perpetuam pœnam eo ipso incurrere, atque alijs etiam gravioribus à Sede Apostolica infligendis pœnis Sacra Congregatio subiacere voluit, & declaravit.

Deinceps verò Monasterium, Conventus, Domus, Congregatio, vel Societas Religiosorum, seu Regularium, nulli recipiatur, nisi præter alia ad id requisita; in singulis huiusmodi locis duodecim saltem Fratres, aut, Monachi, seu Religiosi degere, & ex redditibus, & consuetis elemosynis detractis omnibus, ut supra detrahendis, competenter sustentari valeant ad præscriptum decreti felicitis recordationis Gregorij XV. hæc de re editi; Alioquin Monasteria, & loca huiusmodi post hæc recipienda, in quibus duodecim Religiosi, ut supra sustentari, atque inhabitare non poterunt, & actu non inhabitaverint Ordinarij loci visitationi, correctioni, atque omnimodæ Iurisdictioni subiecta esse intelligantur.

Porro, ne vllò vnquam tempore hæc in oblivionem, seu desuetudinem habeant, Superiores locales cuiusque Monasterij, Conventus, ac Domus Regularis curare, atque efficere teneantur, sub pœna privationis Officij, & vocisque activæ, & passivæ ipso facto incurrenda, vti in perpetuum, sexto quoque mense, id est feria secunda post primam Dominicam Adventus, & feria sexta post Octavam Corporis Christi, præsentibus ordinationibus in publica Mensa perlegantur.

Omnibus tam Ecclesiasticis personis cuiuscumque sint Ordinis, Conditionis, & gradus, quam Laicis quocumque honore, & potestate præditis, præsentia Decreta declarandi, vel interpretandi facultate penitus interdicta. Non obstantibus, quoad supra scripta omnia, & singula in præsentibus decretis contenta, Constitutionibus, & Ordinationibus Apostolicis in favorem quarumcumque personarum, atque Ordinum tam Mendicantium, quam non Mendicantium, Militiarum etiam Sancti Ioannis Hierosolymitani, Congre-

gregationum, Societatum, ac cuiuslibet alterius Instituti, etiam necessario; & in individuo exprimendi Ecclesiarum, Monasteriorum, Coiventuum, Collegiorum, Capitulorum, Hospitalium, Confraternitatum, & aliorum quorumcumque tam Sæcularium, quàm Regularium Locorum, necnon illorum, etiam iuramento, confirmatione Apostolica, vel quavis firmitate alia roboratis; statutis; & consuetudinibus etiam immemorabilibus, Privilegijs quoque, Indultis, & litteris Apostolicis, etiam Mari magno, seu Bulla aurea, aut aliàs nuncupatis, sub quibuscumque tenoribus; & formis, ac cum quibusvis etiam derogatorijs derogatorijs, alijsque efficacioribus, & insolitis clausulis, necnon irritantibus decretis, etiam motu proprio, & ex certa scientia, ac de Apostolicæ potestatis plenitudine, aut aliàs quomodolibet, etiam per viam communicationis, seu extensionis concessis, & iteratis vicibus approbatis, & innovatis, etiam si pro illorum sufficienti derogatione de illis, eorumque totis tenoribus, & formis specialis, & individua, ac de verbo ad verbum, non autem per clausulas generales, mentio, seu quavis alia expressio habenda, aut aliqua alia expressa forma servanda esset, tenores huiusmodi, ac si de verbo ad verbum, nihil penitus omisso, & forma in illis tradita, observata, inserti forent, presentibus pro expressis habens; quibus quoad ea, quæ presentibus adversantur, illis aliàs in suo robore permansuris, Sacra Congregatio Sanctitatis suæ auctoritate specialiter; & expressè derogat, cæterisque contrarijs quibuscumque.

Et ne præmissorum ignorantia à quoquam prætendi possit, voluit eadem Sacra Congregatio, vt præsentis ordinationes. in Valvis Basilicarum S. Ioannis Lateranensis, & Principis Apostolorum de Vrbe, ac in Acie Campi Floræ, vt moris est, affixæ omnes, ad quos pertinet, ita arrent, & afficiant; ac si vni cuique personaliter intimatæ fuissent.

Vtque earundem præsentium transumptis, etiam impressis manu alicuius Notarij Publici subscriptis, & sigillo personæ in Dignitate Ecclesiastica constitutæ munitis, eadem prorsus fides adhibeatur, quæ presentibus adhibetur, si forent exhibitæ, vel ostensæ. Datum Romæ die 21. Iunii 1625.

Cosmus Card. de Torres.

Prosper Hagnanus S. Congreg. Secr.

Excitatis autem super præmissorum decretorum intelligentia, seu interpretatione infra scriptis dubijs, prodierunt à memorata Congregatione simili auctoritate illi à præfato Urbano Papa Octavo specialiter attributa responsiones, seu declarationes inferiùs apponendæ.

Super primo Sacræ Congregationis decreto, de celebratione Missarum, quo prohibetur, ne Episcopi Diœcesana Synodo, aut Generales in Capitulis Generalibus, vel aliàs quoquomodo, reducant onera vlla Missarum celebrationum, aut post idem Concilium imposita, aut in limine fundationum.

Quæritur, quid si legatum sit ita tenue, vt non sit, qui velit onus illi iniunctum subire, etsi recurrendum sit ad Sedem Apostolicam pro moderatione oneris, totum, aut ferè totum insumendum sit pro expensis ad id necessarijs?

Et quid, si permittatur Episcopo in fundatione, vt possit huiusmodi onera moderari?

8
Secundò, super secundo eiusdem Congregationis decreto, quo cavetur, ut celebrentur tot Missæ, quot ad rationem tributæ eleemosynæ præscriptæ fuerint.

Quæritur, an verba illa (præscriptæ fuerint) intelligenda sint de præscriptione facta ab Offerente, vel ab Ordinario?

Tertio, an cum Ordinarius præscriperit eleemosynam congruam iuxta qualitatem loci, personarum, ac temporum, Sacerdotes accipientes stipendium minus congruo, teneantur Missas illis ab Offerente præscriptas celebrare?

Quartò, an Sacerdotes, qui tenentur Missas celebrare ratione Beneficij, seu Capellæ, legarij, aut salarij, possint etiam manuales, eleemosynam, præ Missis votivis, aut Defunctorum recipere, & unico Missæ Sacrificio utriusque oneri satisfacere?

Quintò, positò, quòd Testator relinquat, ut celebrentur pro eius Anima centum Missæ, absque vlla præscriptione eleemosynæ.

Quæritur, an liberum sit hæredibus, eleemosynam sibi bene visam præscribere, an verò eadem eleemosyna præscribenda sit ab Ordinario.

Sextò, super tertio Congregationis decreto, in quo eadem Congregatio revocat privilegia, quibus indulgetur, ut certarum Missarum, vel Anniversariorum celebratione, aut aliquibus collectis, seu Orationibus, plurius Missarum oneribus in futurum suscipiendis satisfiat.

Quæritur, an verba (in futurum suscipiendis) intelligenda sint de oneribus suscipiendis post Privilegium?

Septimò, super quarto eiusdem Congregationis Decreto, qui prohibetur Sacerdoti, qui suscepit Missam celebrandam cum certa eleemosyna, ne eandem Missam alteri, parte eiusdem eleemosynæ sibi retentâ, celebrandam committat.

Quæritur, an permittendum sit administratoribus Ecclesiarum, ut retineant aliquam eleemosynarum portionem, pro expensis mantentionis Ecclesie, Altarium, Interventium, paramentorum, luminum, Vini, Hostiæ, & similium?

Octavò, an hoc decretum habeat locum in beneficijs, quæ conferuntur in titulum, idest, an Rector beneficij, qui potest per alium celebrare teneatur Sacerdoti celebranti dare stipendium, ad rationem reddituum Beneficij?

Decimò, an Sacerdotes, quibus aliquando offertur eleemosyna, maior solita, pro celebratione Missæ, debeant dare eandem integram eleemosynam, quibus Missas celebrandas committunt; An verò satis sit, ut dent celebrantibus eleemosynam consuetam?

Undecimò, super quinto eiusdem Congregationis decreto, quo inter cætera statuitur in hæc verba (eleemosynas verò manuales, & quotidianas pro Missis celebrandis) ita demum iidem accipere possint, si oneribus antea impositis ita satisfecerint, ut nova quoque onera obire valeant; Alioquin omnino abstineant ab huiusmodi eleemosynis, etiam sponte oblatis in futurum recipiendis, & capulas auferant, &c.

Quæritur, an hoc decretum prohibeat absolutè, quo minùs accipiant novas eleemosynas ij, qui acceptis non satisfecerunt, & quid, si congruo tempore possint omnibus satisfacere?

Duodecimo, quid, si offerens eleemosynas, audito impedimento consentiat, ut Sacerdos Missam celebret, cum primùm poterit?

Decimotertio, an poena interdicti, & aliæ appositæ in eodem decreto afficiant tam eos, qui accipiunt eleemosynas contra formam ibi præscriptam, quàm eos, qui non auferunt capsulas ab Ecclesijs, vt ibidem præcipitur?

Decimoquarto, an in hoc Decreto comprehendantur illæ Capsulæ, que apponi solent in Ecclesijs, in die commemorationis omnium Sanctorum, & vulgò dicuntur (*Casse de Morti*)?

Decimoquinto, an Administratores Ecclesiæ, magna devotionis, & concursus, possint eleemosynas pro Missis celebrandis accipere, si iisdem Missis, non nisi post longum tempus satisfacere valeant, ne aliàs cultus Ecclesiæ, & devotio, ac concursus Fidelium, vt aiunt, minuantur?

Decimosexto, quia prohibitio dicti decreti videtur aliquibus directæ solis Capitulis, collegijs, Societatibus, Congregationibus, necnon omnibus, & singulis Ecclesiarum, & piorum locorum, tam Secularium, quàm Regularium Superioribus, de quibus fit expressa mentio, non autem privatis Sacerdotibus, qui tamen comprehendi videntur sub clausula generali (*& alijs ad quos pertinet*) supplicatur pro opportuna declaratione?

Decimosextimo, super septimo eiusdem Sacræ Congregationis decreto, quo cavetur, vt in singulis Monasterijs Religiosorum præfigatur numerus, qui ex consuetis redditibus, aut eleemosynis commodè possit sustentari.

Quæritur, an vbi hæc præfixio facta iam fuit in vim similis decreti Sanctæ memoriæ Pauli V. absque tamen computatione reddituum, cuiusque Religiosi, sit denuò facienda, nec ne?

Decimo octavo, An Novitij, ad habitum regularem admissi, possint admitti ad professionem in Monasterijs, in quibus habitæ, vt supra, præfixione numeri, commodè alii non possunt?

Decimo nono, super ultimo, quo cavetur, vt nullibi recipiantur Conventus Regularium, nisi præter alia ad id requisita, duodecim saltem fratres in eis degere, & competenter sustentari valeant, ita vt alioquin subsint iurisdictioni ordinariæ.

Quæritur, an hoc decretum, quod videtur editum in ordine ad celebrationem Missarum, comprehendat eas Religiones, quæ non consueverunt onera Missarum recipere, vt sunt Religiones Capuccinorum, ac Societatis Iesu?

Ultimo, an idem decretum, vbi disponit, vt nullibi recipiantur Monasteria, nisi, &c. habeat locum in Italia, dumtaxat; ad quam est restrictum decretum proximè antecedens, an verò etiam extrà Italiam.

Declarationes, seu Responssiones ad supradicta Dubia.

Sacra Congregatio Cardinalium Concilij Tridentini Interpretum, auctoritate sibi à Sanctissimo Domino Nostro attributa, ad singula Dubia superius proposita, ad hunc modum respondit, videlicet.

Ad primum, etsi legatum sit adeò tenuè, nihilominus pro reductione oneris, vt supra impositi, ab ijs, ad quos pertinet, Sedem Apostolicam esse adeundam, quæ absque vlla impensa id statuet, quod magis in Domino è re esse iudicaverit: Verumtamen. Si in ipsa Beneficij erectione expressè cautum fuerit, vt liceat Episcopo iniunctum onus reducere, ac moderari legem hanc

fundationis, quam decreta hac de re edita non sustulerunt, esse validam, & observandam.

Ad secundum, esse intelligenda de præscriptione facta ab eo, qui eleemosynam tribuit, non autem ab Ordinario: Quod si tribuens eleemosynam numerum Missarum celebrandarum non præscripserit, tunc tot Missas celebrari debere, quot præscripserit Ordinarius secundum morem Civitatis, vel Provinciæ.

Ad tertium, teneri.

Ad quartum Sacerdotes, quibus diebus tenentur Missas celebrare, ratione Beneficij, seu Capellæ, Legati, aut Salarij, si eleemosynas pro alijs etiam Missis celebrandis susceperint, non posse eadem Missa vtrique obligationi satisfacere.

Ad Quintum, censuit, vbi nullam certam eleemosynam Testator reliquit, esse ab Episcopo præscribendam eleemosynam congruam, quæ respondeat oneribus Missarum celebrandarum, secundum morem Civitatis, vel Provinciæ.

Ad Sextum, ita esse intelligenda.

Ad Septimum, respondit, permittendum non esse, vt Ecclesiæ, ac loca pia, seu illorum Administratores, ex eleemosynis Missarum celebrandarum vllam, vtcumque minimam portionem retineant ratione expensarum, quas subeunt in Missarum celebratione, nisi cum Ecclesiæ, & Loca pia alios non habent redditus, quos in vsum earundem expensarum erogare licite possint, & tunc quam portionem retinebunt, nullatenus debere excedere valorem expensarum, quæ pro ipsomet tantum Missæ Sacrificio necessariò sunt subeunda, & nihilominus eo etiam casu curandum esse, vt ex pecunijs, quæ supersunt, expensis, vt supra deductis, absolute tot Missæ celebrentur, quot præscriptæ fuerint ab Offerentibus eleemosynas.

Ad Octavum, non habere locum. Sed satis esse, vt Rector Beneficij, qui potest Missam per alium celebrare, tribuat Sacerdoti celebranti eleemosynam congruam, secundum morem Civitatis, vel Provinciæ, nisi in fundatione ipsius Beneficij aliud cautum fuerit.

Ad Decimum, debere absolute integram eleemosynam tribuere Sacerdoti celebranti, nec vllam illius partem sibi retinere posse.

Ad Undecimum, respondit, non prohibere absolute; Ac propterea, etsi oneribus iam susceptis non satisfecerint, posse tamen nova etiam onera suscipere Missarum celebrandarum, dummodo infra modicum tempus possint omnibus satisfacere.

Ad Duodecimum, quamvis Onera suscepta infra modicum tempus adimpleri nequeant, si tamen tribuens eleemosynam pro aliarum Missarum celebratione id sciat, & consentiat, vt illæ tunc demum celebrentur, cum susceptis oneribus satisfactum fuerit, decretum non prohibere, quo minus eo casu eleemosyna accipiatur pro iisdem Missis iuxta Benefactoris consensum celebrandis.

Ad Decimum tertium, has pœnas non habere locum, nisi in suscepturis onera perpetua Missarum celebrandarum sine licentia Episcopi, vel eius Generalis Vicarij, aut Generalis, vel Provincialis.

Ad Decimum quartum comprehendit.

Ad Decimum quintum. Non posse, nisi de consensu eorum, qui eleemosynas tribuunt, vt supra in responsione ad Duodecimum.

Ad Decimum sextum, comprehendere etiam privatos Sacerdotes.

Ad Decimum septimum, numeri præfixionem esse iterum faciendam, servata forma ultimi decreti hac de re editi.

Ad Decimum octavum, esse admittendos ad professionem, si aliàs habiles existant, ac deinde in aliquo alio Monasterio eiusdem Religionis esse collocandos, ubi commodè ali possint.

Ad Decimum nonum, censuit comprehendere.

Ad Vltimum, habere locum extra Italiam.

Cosmus Card. de Torres.

Prosper Fagnus S. Cong. Secretarius.

Cum autem super præmissis diversi irrepererint abusus, illorumque occasione, quàm plures querelæ, & recursus ad Apostolicam Sedem pervenerint; Cupiens eadem Congregatio Cardinalium Concilij Tridentini Interpretum huiusmodi detestabiles abusus à Christiana Republica pro viribus evellere, ac opportinè providere, ut sublatis fraudibus, ac emendata negligentia piæ Disponentium, seu Benefactorum voluntari fides illibata servetur, Defunctorum animabus integra, & prompta præstentur suffragia, itidemque Deo maior gloriæ & Ecclesijs præstantior cultus reddatur, prævia auctoritate per S.S.D.N. Innocentium Divina Providentiâ P.P. XII. ei specialiter attributa infrascripta decreta, prius in particulari nonnullorum ex præfatis Cardinalibus per Sanctitatem suam deputata, & postea in generali huiusmodi Cardinalium Congregatione maturè, & accuratè discussa, recognita, & examinata edidit.

In primis, præinserta decreta cum præmissis illorum declarationibus plenissimè, & amplissimè approbat, confirmat, & innovat, omniaque, & singula ibidem contenta, & expressa iterum omni meliori modo decernit, statuit, ac ab omnibus, & singulis etiam speciali, & inividuè nota, seu expressione dignis penitus observari, & omnimodæ executioni demandari decernit, sancit, & præcipit.

Insuper, ut in re tanti momenti consultius, ac maiori, ut par est, circumspectione procedatur; Si qui forsân fuerint, vel sint, qui suis pravis, & erroneis intentionibus, seu opinionibus blandiri volentes Missarum celebrationem omittunt sub maliciofa, vel irrationabili spe earundem condonationem, vel reductionem à Sede Apostolica, vel compositionem à Reverenda Fabrica Sancti Petri de Vrbe obtinendi; Congregatio præfata tum eisdem, tum quoscumque alios, qui posthac in adeo detestabiles abusus ausi fuerint offendere, certiores fieri & monitos esse voluit, præfatas condonationes, & reductiones ab eadem Sede, non nisi ex rationabili causa, seu æqua commiseratione, compositiones verò à dicta Fabrica vteute suis facultatibus, & privilegijs, non nisi ex causa pariter rationabili, & cum clausulis opportunis, & præsertim cum illa: *Dummodo malitiosè non omiserint animo habendi compositionem, aliàs gratia nullo modo suffragetur*, admitti consuevisse, & solere; qui propter, ut locus omnis in posterum hisce prætextibus præcludatur, memorata Congregatio tales intentiones, opiniones, seu spes, ac eleemosynarum, sive in toto, sive in parte versiones in alium, quàm præfatarum Missarum usum, seu satisfactionem, & quascumque alias directas, vel indirectas, immediatas, vel me-

diatas

diatas contraventiones, seu circumventiones declarat prorsus irrationabiles, iniustas, & illicitas, illasque omninò reprobat, damnat, & interdicat.

Cumque huiusmodi absurda ex eo plerumque proveniant, quòd onera Missarum supra vires suscipiantur; caveant omnes, & singuli Rectores, Superiores, & Ministri quarumcumque tùm sæcularium, tùm Regularium Ecclesiarum, seu illarum Capitula, ne onera, seu Missas tùm perpetuas, tùm temporales, tùm etiam manuales, quarum satisfactioni impares fuerint; quoquomodo suscipiant, utque id ipsum quoad fieri poterit, pateat, teneantur iidem conficere, semperque in loco magis patenti, & obvio retinere Tabellam onerum perpetuorum, & temporalium litteris perspicuis, & intelligibilibus descriptorum, quorum implemento, si moraliter, & intra præscriptum, seu breve tempus satisfacere non posse, seu illa dumtaxat, & non ulteriora adimplere posse crediderint, seu credere debuerint, alias Missas, sive perpetuas, sive temporales, sive manuales per se, vel per interpositas personas quoquomodo recipere, seu acceptare omninò desistant, seu abstineant & ulterius tali casu in eadem Tabella similiter exprimant se se; propterea alijs Missis acceptandis, & celebrandis impares esse.

Iidemque teneantur pariter in Sacrario duos libros retinere, ac in eorum altero singula onera perpetua, & temporalia; in altero autem Missas manuales, & tam illorum, quam istarum adimplementum, & eleemosynas distinctè, & diligentè annotare, & annotandas; seu annotanda curare, singulisque annis de supradictis adimplementis, eleemosynis, & oneribus pariter exactam rationem suis Superioribus reddere, ac omnes, & singulas rationes huiusmodi in præfatis respectivè libris simili distinctione, & diligentia, tam præfati, à quibus rationes debent reddi, quam Superiores, quibus reddendæ erunt, describere, seu annotare, sive describendas, vel annotandas respectivè curare.

Quibus semper salvis, debeant ulterius Regulares prædicti, omnes, & quascumque eleemosynas tùm manualium, tùm perpetuarum, & temporalium Missarum reponere in capsâ particulari sub duobus clavibus, quarum vna penes Superiorem localem, altera verò penes alium à Capitulo Conventuali deputandum retineatur, ac de iisdem eleemosynis, & celebratione Missarum coram Patribus Discretis, seu Consiliarijs, vel alio simili modo nuncupatis singulis mensibus districtam rationem exigere, & respectivè reddere.

Quòd si prædicti, ad quos cura Tabellæ Capsæ, & librorum præfatorum respectivè pertinet, seu pertinere debet, suam operam præmissis, ut præfertur, minimè navaverint, & Superiores, tùm Sæcularium, tùm Regularium Ecclesiarum rationem prædictam non exegerint, seu non invigilaverint, quòd præfati, qui in curam Tabellarum, & librorum incumbunt suo muneri, ut præfertur, satisfaciant, in singulis respectivè casibus Sæculares poenam suspensionis incurrant; Regulares verò voce activa, & passiva, ac gradibus, & officijs, quæ obtinent ipso facto, & absque alia declaratione privati sint, & intelligantur, necnon ad huiusmodi gradus, & officia obtinenda similiter inhabilitentur, & inhabilitati sint, & intelligantur.

Porro, ne vllò vnquam tempore omnia, & singula decreta prædicta in oblivionem, seu desuetudinem abeant, Rectores, Superiores, seu Capitula Ecclesiarum Sæcularium illa retineant publicè exposita in eorum Sacrario; Superiores verò Locales cuiuscumque Monasterij, Conventus, ac Domus Regularis

ularis curare, & efficere teneanter sub pœna privationis officiorum, quæ obtinent, vocisque activæ, & passivæ ipso facto incurrenda, vt in perpetuum sexto quoque mense, idest feria secunda post primam Dominicam Adventus, & feria sexta post Octavam Corporis Christi omnes, & singulæ præmissæ tùm insertæ, seu confirmatæ, tùm in præsens factæ Ordinationes vna cum dictis declarationibus in publica Mensa perlegantur.

Meminerint igitur, & fatagant Ordinarij, vt à personis, & in Ecclesijs quoquomodo etiam in vim decretorum Concilij Tridentini sibi subiectis, Missæ ea, qua par est, fide, & diligentia celebrentur, & cuncta, & singula decreta huiusmodi omnimodæ executioni demandentur, nedum iustitiam reicurrentibus, seu instantibus reddentes, sed ex officio tùm in Visitationibus, tùm in alijs actibus, & modis, quos expedire, & convenire toties, quoties indicaverint inquirentes, ne aliquid committatur, pervertatur, differatur, vel omittatur, quod his omnibus, & singulis decretis adversetur.

Caveant etiam respectivè omnes Regulares tùm Subditi, tùm Superiores quicumque nedum locales, sed etiam Provinciales, & Generales, ne Missarum celebratio, & omnium decretorum præmissorum executio, cum perniciæ propriarum animarum, cum præiudicio illarum, quibus Missæ sunt applicandæ, & cum magno Christi fidelium scandalo quoquomodo omittantur, differantur, negligantur, seu pervertantur, alioquin ultra propriæ conscientiæ operationem, pœnam privationis vocis activæ, & passivæ, ac graduum, & officiorum, quæ obtinent, necnon inhabilitationis ad huiusmodi gradus, & officia obtinenda profus incurrant.

Curent propterea præfati superiores Regulares in omnes, & singulos Contravenientes debitis pœnis diligentè, & promptè etiam per Inquisitionem animadvertere, & insuper teneantur omnes, & singuli Superiores locales in Provincialibus Capitulis, seu Congregationibus exhibere attestationem, seu fidem ab omnibus Sacerdotibus Conventus, Monasterij, seu cuiuscumque Domus regularis subscriptam, & iuratam, quod omnibus, & singulis tùm perpetuis, tùm manualibus Missarum oneribus, seu obligationibus ad limites, & tenorem præsentium decretorum tempore eorum regiminis fuerit omnino, & integraliter satisfactum, vel deficiente aliqua modica satisfactione, possit etiam huiusmodi residuali implemento Missarum distinctè referendarum intra breve tempus moralitèr satisfieri, ea adiecta, & omninò ad implenda conditione, quod antè præfatæ attestationis exhibitionem quicumque Superiores locales prædicti vocem activam, seu passivam in membratis Capitulis, seu Congregationibus omnino habere non valeant.

Præterea Provinciales, Vicarij, & Visitatores Provinciarum, seu Congregationum debent in fine eorum regiminis præsentium decretorum sedulo forma probante ostendere, quod executioni præsentium decretorum sedulo invigilaverint, & ad eorum tenorem in omnibus, & singulis Conventibus, seu Monasterijs, vel Domibus Regularibus Provinciæ, seu Congregationis de omnibus, & singulis oneribus, & obligationibus, ac insimul satisfactionibus Missarum exactam, & diligentem rationem exegerint, ac contra delinquentes ad declarationem, & executionem respectivè pœnarum in decretis contentarum processerint, & de adimplemento circa ea, quæ in præmissis ad ipsos spectant legitimè dôcuerint, aliàs ad vocem activam, & passivam in Capitulis Generalibus nullatenus admittuntur.

Cæterum, quia etiam ad quam plures Archiconfraternitates, Confraternitates, Societates, Congregationes, Hospitalia, Altaria, Capellas, Oratoria, & Ecclesias, ac alia loca, & opera pia quomodolibet nuncupata, quæ cuiuscumque curæ, seu regimini, aut administrationi, vel directioni Laicorum cuiuslibet gradus, status, conditionis, & præminentia etiam speciali, & individuali nota dignorum dumtaxat, vel quorumcumque Ecclesiasticorum, & Laicorum huiusmodi mixtim commendata, annexa, seu quomodocumque commissa, vel attributa sunt, onus, seu Cura celebrationis Missarum, sive manualium, sive ad tempus, vel in perpetuum pertinet; hinc saluis semper ijs, quæ in præinsertis decretis continentur omnes, & quicumque huiusmodi Archiconfraternitatum, Societatum, Congregationum, Hospitalium, Altarium, Cappellarum, Oratorum, & Ecclesiarum, ac aliorum locorum, & operum priorum Rectores, seu Administratores, vel Directores, & alij huiusmodi Officiales, necnon ij, ad quos Cura Tabellæ, & librorum in præmissis spectat, Tabellam, libros, & hæc decreta respectivè iuxta modos superius expressos, similiter retinere, necnon de oneribus, ac celebrationibus, & elemosynis dictarum Missarum singulis annis rationem exigere, & respectivè ijs, ad quos pertinet, reddere sub poenis arbitrio, & in subsidium excommunicationis, teneantur.

Postremò omnibus, & quibuscumque tam Ecclesiasticis personis cuiuscumque Ordinis, Status, gradus, Regulæ, Congregationis, Societatis, conditionis, & dignitatis existant, quàm Laicis quocumque honore, ac potestate prædictis omnia, & singula præmissa decreta interpretandi, necnon Ecclesiasticis prædictis poenas in huiusmodi decretis relaxandi, sub quo quomodo circa præmissa dispensandi, omnis, & quæcumque facultas sit penitus interdicta.

Non obstantibus quoad superscripta omnia, & singula in huiusmodi decretis contenta, constitutionibus, & ordinationibus Apostolicis in favorem quarumcumque personarum, atque ordinum tam Mendicantium, quàm non Mendicantium, Militarum etiam S. Ioannis Hierosolymitani, Congregationum Societatum, ac cuiuslibet alterius Instituti etiam necessario, & in individuo exprimendi, Ecclesiarum, Monasteriorum, Conventuum, Collegiorum, Capitulorum, Hospitalium, Confraternitatum, & aliorum quorumcumque tam secularium, quàm regularium locorum, necnon illorum etiam iuramento, confirmatione Apostolica, vel quavis firmitate alia roboratis statutis, & consuetudinibus etiam immemorabilibus, privilegijs quoque, indulgentiis, & litteris Apostolicis etiam mari magno, seu Bulla aurea, aut alijs nuncupatis sub quibuscumque tenoribus, & formis, ac cum quibusvis etiam derogatorijs derogatorijs, alijsque efficacioribus, & insolitis clausulis, necnon irritantibus decretis etiam motu proprio, & ex certa scientia, ac de Apostolicæ potestatis plenitudine, aut alijs quomodolibet etiam per viam communicationis, seu extensionis concessis, & iteratis vicibus approbatis, & innovatis, etiam si pro illorum sufficienti derogatione de illis, eorumque totis tenoribus, & formis specialis, & individua, ac de verbo ad verbum, non autem per clausulas generales, mentio, seu quævis alia expressio habenda, aut aliqua alia exquisita forma servanda esset, tenores huiusmodi, ac si de verbo ad verbum, nihil penitus omisso, & forma in illis tradita observata, inserti forent, presentibus pro expressis habens, quibus quo ad ea, quæ presentibus advertantur illis alijs in suo robore permanentis, Sac. Congregatio Sanctitatis sue aucto-

auctoritate specialiter, & expressè derogat, cæterisque contrarijs quibuscumque. Datum Romæ die 23. Novembris 1697.

Ioseph Card. Sacripantes Præfectus.

Ferdinandus Nuptius S. Congr. Secret.

Quo circa, cum dilectus filius noster Ioseph Tituli Sanctæ Mariæ Transpontinæ S. R. E. Præsbyter Cardinalis Sacripantes, memoratæ Congregationis Præfectus, præfata decreta nobis retulerit, Nos considerantes eadem omnia, & singula decreta, ea qua decet maturitate digesta, & examinata, ac in vim Apostolicæ auctoritatis, eidem Congregationi specialiter, vt præfertur, attributa peracta, perutilia fore censentes, illaque propter eâ perpetuè, & inviolabiliter observari, necnon Constitutionis nostræ munimine roborare volentes. Motu proprio, non ad cuiusquam Nobis super hoc oblata petitionis instantiam: sed ex certa scientia, & matura deliberatione, deque Apostolicæ potestatis plenitudine præinserta decreta, omniaque, & singula in eis contenta tenore præsentium auctoritate Apostolica confirmamus, & approbamus, illisque inviolabilis, & irrefragabilis Apostolicæ firmitatis rubor, & efficaciam adijcimus, quinimò motu, scientia, ac potestatis plenitudine similibus, omnia, & singula in supradictis decretis contenta, de novo statuimus, decernimus, & ordinamus, ac ab omnibus, & quibuscumque, etiam speciali, & individua nota dignis omnino exactè, & perpetuo servari volumus, sancimus, & mandamus.

Decernentes præsentem litteras, cum omnibus, & singulis inibi contentis semper firmas, validas, & efficaces existere, & fore, suosque plenarios, & integros effectus sortiri, & obtinere debere, & ab omnibus, ad quos spectat, & pro tempore quandocumque, & quomodocumque spectabit in omnibus, & per omnia plenissimè, & inviolabiliter observari, sicque, & non aliter per quoscumque Iudices ordinarios, & delegatos, quavis auctoritate præ eminentia, aut potestate fungentes, & functuros, etiam causarum Palatij Apostolici Auditores, ac eiusdem S. R. E. Cardinales, etiam de Latere Legatos, & Sedis Apostolicæ Nuncios, sublata eis, & eorum cuilibet quavis aliter iudicandi, & interpretandi facultate iudicari, & definiri debere; ac irritum, & inane si secus super his à quoquam, quavis auctoritate scienter, vel ignoranter contigerit, attentari.

Non obstantibus omnibus, & singulis, quæ præfata Congregatio, auctoritate per eiusdem recordationis Urbanum Papam VIII. & respectivè per Nos illi specialiter attributa, decrevit non obstare, quæ pariter, & iterum Nos tenore præsentium non obstare decernimus, & mandamus quibus omnibus quo ad ea, quæ præsentibus adversantur, illis, aliàs in suo robore permanentibus, etiam harum serie plenissimè, specialiter, & expressè derogamus, cæterisque contrarijs quibuscumque.

Volumus autem, vt præsentem litteræ in valvis Ecclesiæ Lateranensis, ac Basilicæ Principis Apostolorum, necnon Cancellariæ Apostolicæ, Curiaque generalis in Monte Citorio, ac in acie Campi Floræ de Urbe, vt moris est publicentur, & affigantur, sicque publicatæ, & affixæ, omnes & singulos, quos illæ concernunt perinde arctent, & afficiant, ac si univique eorum personaliter intimatæ fuissent.

Pariterque, vñ earundem præsentium transumptis, impressis; manu alia cuius Notarij Publici subscriptis, & sigillo personæ in dignitate Ecclesiastica constitutæ munitis, eadem prorsus fides adhibeatur, quæ præsentibus adhiberetur, si forent exhibitæ, vel ostensæ.

Nulli ergò omnino hominum liceat, paginam hæc nostrarum Confirmationis, Approbationis, Statuti, Decretorum, Ordinationis, Voluntatis, Sanctionis, Mandatorum, & Derogationis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum eius se noverit incursurum.

Datum Romæ apud Sanctam Mariam Maiorem Anno Incarnationis Domini Millesimo sexcentesimo nonagesimo septimo. Decimo Kal. Januarij. Pontificatus Nostri Anno Septimo.

B. Card. Prodat.

I. F. Card. Albanus.

Visa de Curia I. Ciampinus.

1. Catallus.

Registrata in Secretaria Brevium.

Anno à Nativitate Domini Nostri IESV Christi millesimo sexcentesimo nonagesimo octavo Indictione sexta, die verò tertia Januarij, Pontificatus autem Sanctissimi in Christo Patris, & Domini Nostri DOMINI INNOCENTII Divina Providentia Papæ Duodecimi, Anno Septimo; Supradicta Constitutio affixa, & publicata fuit ad valvas Ecclesiæ S. Ioannis Lateranensis, Basilicæ Principis Apostolorum, Curie Innocentianæ; Cancellariæ Apotolicæ, in Acie Campi Floræ, & in alijs locis solitis, & consuets Urbis, per me Ioannem Baptistam de Cappellis eiusdem Sanctissimi Domini Nostri Papæ Cursorem.

Frausiscus Antonius Simoncellus Magister Cursor.